

後村先生大全集

四十

後村先生大全集卷之一百六十二

墓誌銘

林德遇

林氏九牧之後自壽溪徙居郡城之前街五世矣德
遇名子濟一名逢丁以字行曾大父天覺以隱德號
閉門居士大父伯京與群從處士處厚齊名郡博士
以前庶致延不能屈早卒父稚珪六歲而孤又與
群從君槩世有能賦稱中年罷舉及見德輔登乙未
第德遇丁酉庚子再薦于鄉以承務郎致仕累贈承
議郎德遇於學有專苦之功好深沈之思其文尤

宜於場屋而老大頓挫景定壬戌下第余與德輔勉
就南廊中第三等授吉州文李癸亥禋霽補迪功郎
授漳州龍巖縣主李道建尹漕古心江公欲客之郡
齋以疾辭漳守卓侯德遇布衣交累移文趣上可留
於幕辭俾督稅務辭俾受秋輸又辭適龍江書院山
長奉檄校文族強德遇亦以北溪講貫德遇攝事
之地樂與士交遊處乃就之山長歸改攝漳浦令辭
上登極循修職郎會畬寇復出屈入節制幕義不得
辭時州家和糴以餉兵委視出納德遇痛草奮獎孔
粒之微官民兩相交付更不得一奉乎一郡皆服侯

委任當才亦服德遇清介不負知己也德遇素有瘍疾屢止屢作至是復作常日退食必留郡齋不相見一日尔侯命醫投劑竟不起咸淳乙丑二月十六日也年六十一侯賻以公私帑使推官余亢宗主簿龍鐘為治後事而計告于德輔德輔告假還里使長子吉老往扶護守貳卒同僚吏民哭返盡哀初游洋陳氏家惟一女以配德遇首為甥館定嗣外舅姑皆歿又為其嗣畢娶陳氏無所字以德遇輔子愷老為子余嘗患士有科舉之累學有所未通書有所未讀而擅一生之富貴者德遇群書皆出入貫穿諸文皆毫

達流廉余自少至老閱士友多矣惟德遇姚元泰林
汝賢不專一藝叩之不竭今亡矣夫德遇著名早入
仕晚起家貧得祿薄人意其汲汲於榮利者然事
長多藥石之言未嘗希合持身甚王堂之潔不自膏
潤又意其壽祿蕃永而未艾者乃復不然何哉與德
遇交游如王卿竇之林侍郎元質鄭閩清君瑞皆以
仙去存者劉吏部居厚林中舍肅翁李儀曹良翁及
余皆七八十矣是歲五月甲申陳氏愷老奉治命葬
於文賦里前柳之原德輔屬予以銘德輔兄也名拱
辰今為朝奉郎通判福州銘曰 手抄而讀躬稼而

食貧不悖入卑不干澤甯蟠万卷家立四壁守不能
吏漕不能容外物糞土元身圭壁哀哉若人才多命
嗇伯氏書來季將宅窆君歸於宮我勒於石

方秘書蒙仲

蒙仲名澄孫以字行曾大父庭輝大父履之號為履
齋先生父大東乙未乙科授永春主簿卒母林氏係艾
軒族孫女蒙仲入小字驚悟異群兒屬辟落筆長老
皆警若它生宿習而然者鄉先生群文李課試諸生
姓名常出千百人上再校曹薦中丁未甲科教授邵
武軍學賓禮耆宿作成俊秀一經賞識後多知名會

學廩贏錢及校官例卷置貢士莊以待西上者秩滿
入京余與虛齋趙奉方公詔纂史議辟屬會余去果
監激賞所酒庫有基而去之者今丞相魏開大幕府
於淮揚以幹官辟時淮閫號小朝廷英彥輻湊然
粹有羽書軍冊衆方環視愕眙蒙仲磨首鼻憑敗鼓
多萬宇少千言各有意度魏公大喜有語妙天下之
薦一府欽其才望猶強至之客韓端叔之從坡也入
為國子監書庫官校藝南宮坐商論去取不能下
氣去滌倅南劔州改泉州先是兩倅同餉左翼戍兵
蒙仲慨然曰添差猶方外司馬耳請于朝改屬正倅

而水廳遂無一事閑會闕守朝命攝郡兼舶黥籍魁
素無文者舶至吏請按視蒙仲曰以待新侯為岷之
隱太公竹湖李公作風月堂二公皆嘗為贊倅者節
齋趙公建江閩辟杞幕權國子監主簿趙公移檄
改辟議幕趙黈吏師其臨淮閩適虜透渡江氣甚惡
治法政謀悉咨元僚而行蒙仲亦孜孜為盡力通上
下情恤將士疾苦虜退府罷蒙仲需次郡武軍於是
魏公袞歸舊賓客皆彈冠相慶蒙仲獨奏記言一生
窮薄幸樵山瓜熟願為朝廷拊摩凋瘵時庚午冬也
余隨名節謁趙材魏公問蒙仲肯來乎余答蒙仲欲

姑試外庸自見有旨趣上樵歲三易守公私亦立專
以清苦節縮支吾乏絕上供卜送使外又為前政逋
網數十萬拊柔曠俗表福儒行與其士民相安未嘗
而報政以秘書郎召臺閫上其郡最詔增一秩為朝
奉郎蒙仲在郡以積勞体力益羸犹据案治事郡都
試最起戒嚴矣忽中風泣越三日卒于寢年四十八
時洪尚書伯魯漕建以書報蒙仲訃余馳曰魏公
簡余曰蒙仲謝人世間造物者何奪之速邪拊祥物
瑞事不常有無可久之理即今而後還壺山英靈之
氣矣其痛惜之如此娶鄭氏蘇州法曹仁甫之女封

孺人子公權以遺稿將士郎妙詞翰有父風進而未
止者二女尚幼蒙仲卒以辛酉九月己丑葬以癸亥
十一月丙申墓在白杜路口之原所著有綱錦集通
鑑表微鄉先達如方鐵庵王臞軒李儀曹皆折節與
之友與樵守方侯巨山福唐潘君庭堅尤相賞好東
澗湯公為銘網錦堂余與蒙仲連牆也通家也蒙仲
諸父余銘者三又錦潛仲今又為銘蒙仲焉蓋前
作三經義者或不喜之春秋為程氏學者或未觀通
典著潛書者或不能通秘閣之六論吟唐風者或
不能道原夫之一聯蒙仲則不然經傳皆探索精微

詞藝各根極體要方英妙時挾才乘氣不知者以為
傲中年磨去鋒銳務為和易謙巽前之嚴而慕者皆
親而狎去矣遇貧賤布衣交往：解衣揮金於宗戚
有恩意初陟岵弟洧孫尚幼扶携教養以至成立蒙
仲既為一世所愛敬然深自損挹逢人則曰後村吾
師也故哀其死者多以唁余余曰昔也余竒若人為吾
里有英物也為故人有美子也為吾徒有畏友也今
也余哀若人為朝廷借譽髦也為臺閣借詞人也為
東閣惜竒士也嗟乎蒙仲吾無所用吾情矣乃為銘
曰余嘗考論屈賈二士竒士忠賢溪漢廷茂異一考

新蘭行吟顛顛一逢絳漣流落遠外蒙仲出處則異
於是堂堂魏公疇昔羅致凱旋袞歸麟獲鳳至蒙仲
獨請一鄣自試若臺若閫上其郡最增秩唯堂然藜
中秘大臣知己近臣非有讒原亦無害誼蓬萊近矣
風引帆退笙鶴下矣丹飛竈壞孰為之哉命有所制
何生之難何奪之易地下修文天上作記以蒙仲觀
容有是事燕許之手沈謝之思百年幾見一夕殄瘁
昔人存歿乃見交際死者吾銘無愧

徑山佛鑑禪師

師雍氏名師範西蜀劍州人世積善初昭慶院老僧

王八師道行高誦華嚴不絕口與師父祖善淳熙丁酉無疾化去已而師生時謂王師再來九歲棄小孝投招慶院院老宿有所詰難應答如流十八歲始成僧將行脚母何病師剗股以療既愈二親乃聽師游方明年至成都堯首座者乃瞎堂高弟言下有者其秋出峽至荆南見玉泉儼明年辞去見保寧全金山奇至四明見秀岩瑞佛照在烏日範兄方二十更二十未可量也復至靈隱見松源淨慈見肯堂充万壽見無證修華藏見遜庵演天堂見息庵觀石雲巢岩石溪月皆聞風欽挹卒至徑山依破菴先師雖徧參

老然始終大精進大悟入皆得之破庵以禪門枝派
言之蓋破庵子之密庵之孫上抵楊岐八世嘗住四
明之清涼移焦山移雪竇育王紹定壬辰秋奉詔住
徑山師先夢龍君來迎既而果然次年四月寺燬于
火有旨出內帑俾師葺廢會恭聖仁烈皇太后上仙
宣召入禁中祝香罷賜金欄袈沙詣慈聖明殿對凡
演法上乘垂簾以聽師舉揚奏對徑直詳華天顏大悅
賜號佛鑑禪師又賜齋及金帛曠典也師以朝廷錫
賚公卿士庶擅信之資悉力拮据不三年寺還舊觀
師旦過時以寺距京百里中涂靡所次舍至是即梁

清作大蘭若且布良田六千畝廩其徒世守之宸翰
書其扁曰萬年正續之院及淳祐辛丑寺再燬于火
衆謂不可復興矣師曰自我興之自我廢之不可也
既而尚方密賚大松喜捨海外日本遣使資助不數
年而寺再成又於正續之田二百步作庵烏藏先後
所被奎畫于樓奉祖師與雍氏香火于東西偏遇始
生及祝髮日則飯緇流以報劬勞訓導宸翰書庵扁
曰圓照淳祐己酉二月悉以衣盂付衆暫歸明月庵
三月朔鳴鼓升堂云山僧老且病無力得與諸人東
語西話今日勉強出來將從上諸佛祖說不到處一

時料撒與諸人去也遂起料撒云是少衆訝之
翌日疾作語侍僧云時止矣十八日親書遺表說偈
而蛻葬于圓照庵世壽七十二僧臘五十六自號無
準余不及識師晚塵侍從淨慈主僧妙論臨示寂遺
余書曰佛鑑吾師也以塔銘象公余未及答問倫已
唱衣余重倫垂死而不忘其師也心誥之既告老歸
山中病不果銘余友竹溪翁父子及師之徒白雲深
無文餐激發余曰劉柳不銘曹溪乎余愧于其言乃
叙而筆之昔兜率悅謂張無盡公向悅說禪猶悅向
公悅文章烏呼說禪若無盡庶幾大辨才者而悅之

言如此今世士大夫未夢見無盡脚後而自謂得少
林骨髓吾未之信也余謂師所聞於佛照光及退
菴竒破菴先十數公皆大喜知識其間答言句不待
余下注脚也至於住天下第叢林再遭魔厄萬瓦
灰飛而露坐草宿不忍去必復其舊乃止使之事國
必鞠躬盡力其惓惓淬潼丘墓雍氏香火使不至逃
儒必立身揚名余雖禪不及兜率悅文章不及無盡劉
柳凡師始未皆信實可銘曰銘世有名儒口吟手
披及坐舉比丘者笑之師不執卷面壁而已及對龍
象豎起拂子少指頭禪多大藏經万衲諦聽如醉夢